

正寧縣志卷之十

獻徵志

陽曲折遇蘭佩湘氏撰

人物

徂徠之松新甫之栢率因地以著名若夫深山邃谷之中雖有盤根錯節倚天拔地之材不逢大匠誰過而問之然其虬枝勁節固自挺然特立於塵埃之表羅川雖小邑而間氣所鍾不乏魁梧奇偉之士蓋大木不擇地而生大儒不擇地而出其理一也且地以人傳烏得以縣小而忽之

正寧縣志

獻徵

人物

一

漢傅介子 漢書云北地人舊志載在真寧以從軍爲官先是龜茲樓蘭嘗殺漢使至元鳳中介子以駿馬監求使大宛因詔令責樓蘭龜茲國介子至不辱君命率吏士斬匈奴使者還詔拜爲中郎遷平樂監乃謂大將軍霍光曰樓蘭龜茲數反復而不誅無所懲艾願往刺之以威示諸國光曰且驗之於樓蘭介子與士卒齎金幣揚言以賜外國爲名至樓蘭誘其譯以金幣報樓蘭王王貪物來見使者介子陳物示之與坐飲皆醉乃謂王曰天子使

我私報王王起隨介子入帳中屏語突至壯士二人從後刺之乃交胸立死遂更立前太子質持王首還詔封義陽侯食邑七百戶介子薨子敞有罪不得嗣國除元始中繼功臣世復封其曾孫長爲義陽侯王莽敗廼絕

唐于志寧 大業末調冠氏縣長山東盜起棄官歸高祖入關率羣從迎謁長春宮詔授渭北道行軍元帥府記室遷天策府中郎文學館學士貞觀三年爲中書侍郎太宗嘗晏近臣問志寧安在有司奏

正寧縣志

獻徵

人物

一一

勅召三品志寧品第四帝悟詔與晏因加散騎常侍太子左庶子黎陽縣公是時議立七廟羣臣請以涼武昭王爲始祖志寧以涼非王業所因獨建議違之太子承乾數有過惡志寧上諫苑以諷帝見大悅賜黃金十斤絹三百匹俄兼詹事以母喪免詔復起固請終養帝遣中書侍郎岑文本敦譬曰忠孝不兩立今太子須人教約卿彊起爲我卒輔導之乃就職時太子以農時造曲室累月不止縱欲敗度志寧累上疏極言太子大怒遣使往刺

之使者入其第見志寧憔悴在苦塊中不忍殺乃去太子敗帝知狀謂曰聞公數諫承乾不聽公故至此是時宮臣皆罪廢獨志寧蒙勞勉晉王爲皇太子復拜左庶子遷侍中加光祿大夫進封燕國公監修國史累官至太子太師皇后之廢長孫無忌褚遂良固爭不從志寧不敢言武后以其不右已銜之後出爲榮州刺史改華州聽致仕卒年七十八贈都督謚曰定遠追復左光祿大夫太子太師舊志云距城十五里于家庄乃公故里今按庄

玉皇廟碑有唐永徽五年學士燕國公于志寧建字樣其說近是而唐書云京兆高陵人茲兩存之于休烈 燕國公志寧曾孫機鑿融敏善文章開元初第進士又擢制科歷秘書省正字吐蕃金城公主請文籍四種詔秘書寫賜烈上疏曰戎狄國之寇經籍國之典也戎之生心不可以無備昔東平王求史記諸子漢不與之以史記多兵謀諸子雜詭術也今西戎國之寇讐安可貽以經典疏入詔中書門下議卒與之累遷起居郎直集賢殿學士

楊國忠爲宰相出爲中部郡太守肅宗立烈奔行
在擢給事中遷太常少卿脩國史多所樹立卒年
八十一贈尚書左僕射謚曰元其子孫皆登顯官
黃巢陷京師烈曾孫琮以病卧家巢欲起爲相琮
辭疾賊脅迫不止乃曰吾死在旦夕義不受污賊
遂害之

董 默 官游擊將軍

康 壽 任襄陽府穀城縣令卓有善政野有馴羣
村無吠犬

正寧縣志

獻徵

人物

四

康 智 壽之子字元功任縣令有父風今杜樹原
墓碑猶在

元郭 英 第進士舊志曰以甲科爲燕楚間循良

明党 理 字邦仁洪武三十年進士任宜陽縣丞以
經術光吏治爲理學名臣永樂初累陞太僕寺少
卿温厚沉潛爲文敷暢典雅服官政通人和律身
清白一時稱爲良吏

王 音 洪武初舉賢良任壽陽縣丞

袁 錠 永樂間進士任四川道監察御史廉以律

已惠以澤民歷陞布政司叅政

路安之 國子生少聰敏有文名事親孝處鄉曲恂
恂謹恪兼好施與未仕

袁一臣 以國子生授蘭陽縣佐揅持清謹蒞政和
易陞萬泉縣尹惠政尤多致仕歸行李蕭然鄉里
以長者稱之

江文秀 任貴州施秉縣尹陞廣西象州知州揅持
清苦風力堅凝

趙邦清 字仲一號乾所由進士任山東滕縣尹六

正寧縣志

獻徵

人物

五

年耗羨盡數登報上司爲窮民購牛千餘隻儲穀
十餘萬石剪除土惡振興文教均平田賦善政不
可勝數舉清廉第一行取吏部主事陞本部員外
郎清正執法不受書帕都人呼爲包孝肅緣公疾
惡如讐宵小不能堪卒被奸黨張鳳翔等彈論歸
囊橐蕭然躬事耕耨優游自得兼喜神仙修煉之
術飄飄然若遊於物之外者天啟二年起四川遵
義道監軍叅議先是四川宣撫使奢崇明及子寅
叛至二年七月貴州水西土目安邦彥亦叛邦彥

安堯臣別枝也堯臣死邦彥挾其妻子反時四十
八馬頭與安邦俊魯連安若山陳其遇及安鑾陳
萬典等蠶起和之所至圍城掘墓幾難馴服安鑾
爲奢寅右臂公至密遣賊黨了相喻文富招之鑾
心動顧以妻子在營未敢發公乃督官兵抵羅付
大河口擊奢寅敗之鑾見寅敗乃密約公公使副
總兵侯良柱助兵挾取妻子分遣羅安良進陶公
灘以牽賊公乃帥親兵七百人同鑾部兵夜抵賊
巢銃砲震天賊倉皇莫措棄寨走鑾遂率妻子部
兵拔寨歸公以疾卒於軍贈光祿寺卿廕一子吁
可謂有守有爲者矣

正寧縣志

獻徵

人物

六

李 福 以明經任大同府佐隨英宗北狩冒險貢
方物陞本府知府進陞叅政仍知府事

鞏國柱 以萬歷二十一年貢任鳳翔訓導改漢中
府學陞寧遠諭陞葭州學正到處有教思碑取與
必嚴言笑不苟爲理學名儒從祀鄉賢

趙立賢 以萬歷三十年貢任浙江永康知縣調慶
雲尋調武強三仕俱以循良稱

王 汲 以萬歷間明經任山西靈邱知縣關西名
彥冀北循良

國朝

范錫篆 字金章雍正甲辰舉人做秀才時舉止端
慤文行兼優邑令俞贈端方匾額庚戌考列明通
左都御史謝保舉國子監學正一時嘆爲斯文領
袖乾隆六年修傳說諸經及廿一史尋擢助教

正寧縣志

獻徵

人物

七

正寧縣志卷之十

獻徵志

陽曲折遇蘭佩湘氏撰

忠節

讀文天祥正氣歌武侯出師表雖甚庸懦未有不感慨激發或至於流涕也蓋天地忠烈之氣無一日不存於人心故上則爲日星下則爲河嶽而藐然中處者一往而莫禦百折而不回浩浩乎塞於天地之間嗚乎可不謂壯哉羅川一隅而見諸史冊與得之傳聞者正不乏人考而錄之亦植經維

正寧縣志

獻徵

忠節

一

紀之一助云

唐于琮黃巢欲起爲相誓死不辱詳見人物志

明景清由榜眼及第個儻尚大節初領鄉薦遊國學時同舍生有密書公求覽生拒之固請約旦卽還生不得已與之旦往索書公謬曰此余書也生訟於祭酒公持書往見曰此清素所習者令各背誦之公卽誦徹卷同舍生不能句祭酒叱生而以書還公公乃曰原係此生書以彼秘惜太甚故相戲耳祭酒奇之靖難兵入金陵方孝孺練子寧等死

之公聞建文出獨委蛇侍朝伺便圖復一日懷利
办着緋衣入朝先是欽天監奏文曲星犯帝座甚
急宜備非常次日早朝各官常服獨公緋衣遂疑
而收之果得短劍公見事敗卽大詈曰叔奪姪位
如父姦子妻云云文皇震怒剝皮實草以鐵鎖繫
之殿門是夜文皇夢公血噴帝衣次早袍皆血痕
他日文皇過殿門公屍斷鎖直前數步有犯駕狀
遂夷九族轉相攀染村里爲墟謂之瓜蔓抄後謚
忠烈建甘節廟春秋祀之公縣辛莊里人

趙邦清 四川遵義道叅議任內招撫降叛恢復地
方深入藺穴殉難捐軀詳見人物志

李 福 祥見人物志

劉 固 景忠烈公之甥也年爵未詳從景公就食
京師忠烈被難義不苟生乃自刎死

劉 國 邑學生年十八從景忠烈就食京師死節
事如固蓋國與固兄弟也墳篋濟美難矣哉

正寧縣志卷之十

獻徵志

陽曲折遇蘭佩湘氏撰

鄉賢

古者瞽宗之祀所以崇德尚賢苟非懿行丕著雖貴族不與而况欲結納聲氣以倖邀哉羅川文獻銷沉唐宋以前無徵不信顧俎豆所關少而愈貴苟名實既符卽一人一事而流風餘韻已足低回想像於無窮矧典型未遠猶堪屈指數之耶

景清 明榜眼及第官至左都御史謚忠烈詳見

正寧縣志

獻徵

鄉賢

一

忠節志

党理 明理學名臣贈光祿寺卿詳見人物志

趙邦清 明四川遵義道監軍叅議詳見人物志在

吏部時累疏奏革慶屬鹽商協濟並裁五邑訓導

巡檢各一員邑人德之建祠立碑申請從祀

鞏國楨 舊志曰贈禮部主事事繼母以孝聞撫二

弟以友稱寢矩而履繩型仁而範義宗族服其化

三十年無有訟於庭者閭里推爲陳太邱王彥方

沒之日闔邑悲慟事久論定人無間言邑令上其

事故得與從祀之列

鞏國柱 原任葭州學正歷任四庠到處皆佩其教
鐸取與必嚴一介屋漏常凜四知家門之內肅若
朝廷私居之言可質廣衆以故人無賢愚見者咸
悚然起敬捐館之日邑紳士王澁夢公遊孔廟兩
廡諸賢揖而進之候久不出叩之內應曰已留之
矣次早果以訃聞因述其事衆議僉同羣行三代
之直遂荷俎豆之典仍舊志

彭 翮 順治戊子舉人壬辰進士性耽詩書克全

正寧縣志

獻徵

鄉賢

一一

孝友任推官訟無冤民一塵不染初值流賊攻縣
城甚急翮奮勇倡義躬督丁壯晝夜防禦賊遂棄
圍去輿論德之詳請從祀

正寧縣志卷之十

獻徵志

陽曲折遇蘭佩湘氏撰

孝義

孝爲百行之源而媿睦任卹卽因之以生此教化之所由起而風俗人心之大本也夫歌哭怨慕之眞緩急取舍之義或發於詩書或根於天性匹夫匹婦不必規規古人乃至性至情感觸流露若有不能自禁者而則古昔陳先王者顧可出其下耶噫此可以興矣

正寧縣志

獻徵

孝義

一

明

王心民 廩生侍繼母病吮癰嘗藥寢食俱廢人皆稱之至敬兄如父尤世所罕有

路 誥 廬墓

焦 餽 廬墓

仇傳香 中崇正庚午舉人事父母以孝稱四十年如一日父臥病五載日侍湯藥嘗穢以驗輕重事繼母亦如之

國朝

穆三益 母歿廬墓三年

袁 臣 康熙初村中崖崩壓死數人臣父亦被壓掘之不得臣繞土痛哭滴淚成血入夜大風雨雷電震地獨現臣父屍肢體完好孝通神明信乎

于 冕 貢生父亨吉卒於延安府訓導任所扶柩歸葬中途猝遇暴虎扶柩哭曰冕本應飼虎父柩未葬死不瞑目祝畢虎竟去

楊 亨 年十五失恃事繼母以孝聞家貧每午餐必爲母設肉嘗與屠戶約觔肉四次割屠戶知輒多與之母病禱於神祈以身代母壽九十餘未必非孝感也

先明顯 事親孝遠近傳聞子品述父事事顯益謹明顯患胃疾多嘔每吐必取而瘞之淨土流連屢年日侍湯藥未嘗有倦容今其子孫猶循循率祖

父事

楊 法 幼失怙恃及長讀書至窮人無所歸句乃擗踊斬衰追行三年禮年七十餘歲尚蹙蹙抱衾

恤狀

鞏裔昌 母歿年逾六旬猶捫乳哭如嬰兒狀詳載

列女志

姬淑聖 庠生繼母不相容聖事如生母母亦悔過

葬親後常扳墓木號泣邑士民製幛表其行

趙 倬 庠生母病篤倬衣不解帶者六逾年母卒

足不入城市本無子聘黃姓女爲妾聞其有夫卽
止不娶並不責償聘金於是其妻解氏乃育子

趙維柱 解元趙文重父敦實剛方天性孝友父瓘

年八十暑月臥病穢物皆親自浣濯事繼母如所

正寧縣志

獻徵

孝義

三二

生

李建清 嘗入山聞母病星夜奔還猝遇猛虎乃祝

曰容清看母畢願以身飼虎遂不見

姚乃述 庠生性慷慨鄉里有貧乏必賙給之族人

待以舉火者數十家積欠不能還輒焚其券里人

爲立碑曰惠族卹貧

秦天府 性恬淡處家寬忍五世同居和親睦族鄉

黨共德之

姚乃慰 貢生胸襟瀟脫不爲世累嘗言學者識得

春風沂水纔可尋孔顏樂處家素豐樂於推解時
以錢米賙給宗族不責其償遇歲饑則出所儲應
窮乏

趙維楷 廩生足不履城市教授生徒以自樂性峭
直遇人有不善輒規戒之或有過則密相謂曰愼
勿使趙某知也

郭希泰 樂善好施乾隆十三年招集流移給以田
地牲粟鄉黨共德之

彭柱天 生員父娶繼室者三事之俱以孝聞族黨

正寧縣志

獻徵

孝義

四

有婚葬無力者皆身任之昔三縣村盜賊充斥往
來成畏途天乃聞諸憲司設立塘汛里人製幃勒
珉以誌厥行

鞏苟氏 鞏樹賢妻翁病旬日不起氏焚香默祝斷
指作羹以進翁啖之而其病大愈

鞏楊氏 鞏爾甸妻翁歿以禮姑病禱於雲寂寺
割臂肉和藥以進其姑瘳氏亦無恙

鞏鄭氏 鞏爾壩妻翁病牀思肉食家貧無以應乃
引刀割股作羹以進翁啖之甘問所從來詭詞以

對商邱陳履中作歌行弔其志

王姚氏 庠生王曰正妻事祖姑及姑備得歡心祖姑何染患癰疽以口吮患處出膿血復私出粧奩易藥餌以進里人稱之

趙文氏 解元趙文重妻敬事翁姑翁病思食肉乃割股造餅以進翁啖之而疾愈

雷楊氏 生員雷地豫妻姑病眼氏以舌舐眼內膿血者歷半月乃愈其他行亦皆可取

趙楊氏 趙衍傑妻姑亡奉翁四十餘年無懈容無

正寧縣志

獻徵

孝義

五

子力勸其夫娶妾育妾子如已出

王路氏 王諼妻性和順事衰翁備得歡心其翁常爲人言曰氏婦兼子道其至性非人所能及也

按孝之義微矣哉根於性之不容已而笑啼怨慕又必中乎其節然後吾心安而親心亦安若割股斷膚未免滯於血氣之偏適足貽父母憂耳然與其有虛文而無實意固不若天真爛熳之爲得矣若通有無濟緩急樂善好施所謂用財而不爲財用視彼守財之虜其相去何如哉

正寧縣志卷之十終

正寧縣志

獻徵

六